

पुलांगु
म्ये
पुचः

मुँह व पिकाम्हः—

पुप सुन्दर श्रेष्ठ
चौघडा
(नेपाः)

५

ने. सं.]

१०६५

[मृ.



धलः पौ

मे	पौ	मे	पौ
गनपतिदेव	१	गुलित फसात	१३
नेपाल भाषा	२	गोपाल धनी	१४
श्री करुणामय	३	सुन्दर विभुति हुसा	१५
वयरिम्ह फुतकाव	४	प्राचन अल्सी	१६
रक्षायाइम्ह	५	छि भाई परदेश	१७
गुरुजु जयनमो	६	कोथा जोलं सकतादत	१८
हाय हाय प्रभु	७	च्यान्हु च्यान्हु सिवायाना	१९
हे नारायण जु	१२	हे मनराजा	२२
याकचा वने मतेराधा	११	श्री लोकनाथ	२४
		दो मन यायो मते सखी	२९

गनपतिदेव

गनपति देव भजलपे स्वव स्वव सदान ॥ धु० ॥

ऐरावत किसि खुवाल न्यापु उन सुन्दर,

वामन थें बागल मिखा जा स्वगल ॥ १ ॥

थास थास नाग तिसा बाघंवर डसा,

पा ल्हान मघि जोसा गसा भतिया नसा ॥ २ ॥

गणया नायक धाल पूजा न्हापो काल,

विघन विपत्ति दूर विल सिद्धि फल ॥ ३ ॥

पंच दुवाल जुल नेपाल संवतसर,

कर जोरी बारं बार विश्वहर्षन ल्हाल ॥ ४ ॥

रागभजन—

नेपाल भाषा

प्रेम त्वःता मातृ भाषा या नेम गनन बोझु ॥ ध्रु० ॥

देश भाषा त्वःलताओ मेव भाषा कावन,

सुःख त्वःता दुःख मालिङ्ग मूर्ख सरिज्वन ॥ १ ॥

उन्नती शील, जनपीं गुलि दुःख सन्सारसं,

कुक् सीनं थवगु भाषा प्रेमयाना तल देशसं ॥ २ ॥

भाषा थवगु उच्च जूसा दुःख गवले वडमख,

भाषा थवगु मान्त घासा सुःख गवले छामख ॥ ३ ॥

नेपाल भाषा जीर्ण जूगु अलसि मचासे भिकेन,

भारतीय शास्त्र भवनं मान थदैत बीकेन ॥ ४ ॥

स्वम्ह—स्व० योग बीरसिंह,

श्री करुणामय लोकनाथ

श्री करुणामय लोकनाथ उधार याहुने ॥ ध्रु० ॥

गोरखनाथ भिक्षा फोन वल लोन भिक्षा फोने मबिल ॥

नवनाग लोकपुस्ये आसन यानाव,

द्वादस वर्ष वा मगाक न्हौं ॥ १ ॥

नरेन्द्रदेव व वंघुदत्त आचार्यन,

कर्कोतक सहित वन न्हौं ॥

मंगल श्री देशस जपतप साधन,

कमल किसानिन काबल न्हौं ॥ २ ॥

राजसके फोनाव लोकनाथ हयाव,
 छेपालस थेनकल हल न्हौं ॥
 गोरख नाथन मछिन्दर खनाव,
 आनन्दन दरशन यात न्हौं ॥ ३ ॥

युलि स्वयाव नागराजा वनाव,
 मुसल धारा प्रमानन वागात न्हौं ॥
 मन्हि वा गातकाव आहार बियाव,
 आनन्दन लोक रचा यात न्हौं ॥ ४ ॥

पुसा वा होलाव प्ररकाल स्वयाव
 सिन्हाज्या म्हति म्हति यात न्हौं ॥
 सिन्हाज्या धुनकाव भावन भासस,
 पिन्द्रपात्र अन्न दान बिल न्हौं ॥ ५ ॥

बैशाक मासया परूवा दिनस
 रथस दनाव बिज्याक न्हौं ॥
 विरंचि नारायन अतिन हरषन
 लोक उधार यात न्हौं ॥ ६ ॥

दानया प्रभावन अति पुन्य लानाव
 भावन सम्पति जुल न्हौं ॥
 बैशाक मासस लोकन मालपाव
 थव थव देगु पुजा यात न्हौं ॥ ७ ॥

वक्षया कृपान लगन जात्रास

आसिखा वियाव विज्याक न्हॉ ॥

सम्बत भिङ्गुलि दुर्गा सहितन

तछलाया एकादसि दिन न्हॉ ॥ ८ ॥

खव मखु श्वव श्व पुरुषसेन

खनेमदु सुया नुगलस न्हॉ ॥

न्हाकल श्रीरणचहादुर महाचिर वस,

लोकनाथ्या महिमा ख न्यन न्हॉ ॥

—रागसिन्हाज्या,

वयरिम्ह फुतकाव

वयरिम्ह फुतकाव भीमसेन रसन विज्याक ॥ ध्रु० ॥

वल च्वन वम्ह दिक, पूजा कय लिमलाक,
जुंगुलि धूपाय कुँन दक्क सु नस्वाक ॥ १ ॥

अनेक बाजन थाका न्यना च्वने व मछुक,
वान्छयाव कटटट रणस दुव्वाक ॥ २ ॥

हेगुलि मिखा कसे, तमन पुलि च्वासे,
आतापति पिकयाव दुशासन स्याक ॥ ३ ॥

व ति मदु बललाक हि तोनाव अति गाक,
न्याकथास फचिन मि च्याक ॥ ४ ॥

धुँ किसि कलँ कासे, सिंहम याकुं प्यासे,
सल चता वासे सन अन सु मग्याक ॥ ५ ॥

मोक्ष जि स्वम्ह न लाफ कयाध्य तिनय याक,
छिपालि निपाया कोस विव जित बास ॥ ६ ॥

—रागाविजय

रक्षायाइह्य

रचा याइम्ह श्री गुह्य काली
सेवक याय मते कँकाली
कँकालीन कचमच यात सा
हाकनं हाले मालि ॥ १ ॥

भूतया सँ जा कुलि कुलि
आपा आपा नयफू गुलि गुलि
तिजक तिन्हुया प्यारवन हुइम्ह
कवँ चा कँकाली ॥ २ ॥

जोगिनि वताल गुलि गुलि,
नागया तिसा उलि उलि
दुष्ट बुद्धि दैत्ययात,
खडगन प्यंदंक पालि ॥ ३ ॥

संग्राम स्यात गुलि गुलि,
वाकि दक्ख बिसे वन सुलिसुलि
खड्ग जोना दिगिदिगि रवाना
दैत्य स्याइम्ह काली ॥ ४ ॥

काली कृपा तय मालि
मतलसा चंदीदास हालि
कर जोरि विनति शरण जि वया
छिगु तुति पाली ॥ ५ ॥

—राग भजन

गुरुजु जय नमो

गुरुजु जय नमो श्री बुद्ध भगवान
लुम्बिनी वनस विज्याक ॥ धु० ॥

ब्रह्मान वैपुयका सरस्वतीन वसा लायका,

जलकापुरया जुजु कुमेरन धन द्रव्य लायका विज्याक ॥ १ ॥

वायुदेवन ध्वजा बोयका, अग्निदेवन धूप धनका,

वरुण नाम नागराजान जलधारा हायका विज्याक ॥ २ ॥

महादेवन डमरु धायका, नारायणन शंख पुयका,

बन्म राजन दण्ड जोनकाव लंछिनकाव विज्याक ॥ ३ ॥

इन्द्रन छत्रन कुयका, भिक्षु गणन चामोल गायका,

आकाशन स्वानवा गातकाव आनन्द रसन विज्याक ॥ ४ ॥

नैऋत्य ज्ञानकर दक्ख लोक सहितन,

क्षेम नागया वस विज्यानाव पूजा फयाव विज्याक ॥ ५ ॥

वन गज रत्न साल श्री सुरेन्द्र महाराज,

म्हाकम्ह अनाथ जन, गुरुयाके शरण ॥ ६ ॥

—राग कल्याण

हाय हाय प्रभु

हाय हाय प्रभु स्वामि छि गन भाया,
 छन्त धन्दा छाय मिसा ज्याख याना चोना ।
 छि व जि व चोना प्रभु सन्हा साहुति महु,
 गन भाया चोना प्रभु गन वना दिया ।
 सिलु तीर्थ मोल न्हुय अति पुण्य लाइ,
 सिलु तीर्थ वने यात पासा माल वना ।
 पासा माले मते प्रभु छिव जि व वने,
 निहतेपू सिलु वने अति पुण्य लाइ ।
 छ व जि व वने यात जोसी केने मानि,
 जोतिस केना स्वया, जिन वाय मालि धाल ।
 जोतिस केने प्रभु छि व जिव वने,
 छिव जिव मोल न्हुय अति पुण्य लाइ ।
 हथ्या बिय मते मिसा छव जि व बाई,
 बुझे यान बुझे मजू अवश्यन बाई ।
 यत्र छैन दना वना धमा थुली बास,
 धमाथुली थ्यंका स्वया तिरि लिसे बल ।
 वय धाय मते मिसा छैस लिहाँ हुनि,
 हथ्या बिये मते मिसा छव जिव बाई ।
 नाप वने नाप च्वने मथे वाय मालि,

घमा थुलि दना वना न्याग मानि वास ।
न्यागमानि थ्यंका स्वया तिरि लिसे वल,

वय घाय मते मिसा छ व जि व बाई ।
नाप वने नाप च्वने गथे बाय मालि,

न्यागमानि दना वना जैफल् पौवा वास ।
जैफल्पौवा थ्यंका स्वया तिरि लिसे वल ॥ वय० ॥

जैफल्पौवा दना वना रानी पौवा वास,
रानी पौवा थ्यंका स्वया तिरि लिसे वल ॥ वय० ॥

रानी पौवा दना वना चतुराली पौवा वास,
चतुराली पौवा थ्यंका स्वया तिरि लिसे वल ॥ वय० ॥

चतुराली पौवा दना वना नक्वाब्यासि वास,
नक्वाब्यासी थ्यंका स्वया तिरि लिसे वल ॥ वय० ॥

नक्वाब्यासि दना वना धैबुतने वास,
धैबुतने थ्यंका स्वया तिरि लिसे वल ॥ वय० ॥

धैबुतनं दना वना मिमल पाक्व वास,
मिमल पाक्व थ्यंका स्वया तिरि लिसे वल ॥ वय० ॥

मिमल पाक्वं दना वना धुंच्याब्यासी वास,
धुंच्याब्यासी थ्यंगु बेले प्रभु कोछुनादिल ॥

घन्दा काय मते प्रभु खर्ता काय मते,
नाप वने नाप च्वने गथे बाय मालि ॥

धुच्याव्यासि दना वना लकडि बिना बास,
बुक्के याना बुक्के मजू मिसा अवश्य बाय मालि ॥

लकडि बिनान दना वना सिलु तीर्थ ध्यन,
सिलु तीर्थ मोन्हुया बेले जुजुं गंके हल ॥

गनां गने मज्यू मिसा हथि जुया फुत,
दुलि चोने मनं मिसा सुपालस चोन ।

सुपालस दना स्वया प्रभु खोया हल,
छिमि प्रभु खोगु मखु खिचा खोया हगु ।

खिचा खोगु मखु राजा जिमि स्वामि खोल,
खोय मते प्रभु स्वामी जिति ग्यम्हलाइ ।

जुजुं बिल तारिस्वान प्रभुयात छुके,
खोये मते प्रभु स्वामी जिति ग्यंहा लाइ ।

छति ग्यंम्ह लाके यात तप याय मानि,
हिमालस तप यासां छति ग्यंहा महु ।

सुपालसं चोना वना अनेगु स्वानया वन,
प्रभु स्वामी तोलताव राजालिसे वन ।

निम्हतेपू सिलु वना याकचा जि जुल,
गना गने मफु मिसा हथि जुया फुत ।

सिलु तीर्थ लिहाँ वया भिमल पाक्व थेन,
भिमलपाक्व ध्यंगु बेले तिरि लुमंसे वल ।

मिमलपाकव दना वया नक्वाव्यासि बास,
गन वना नापलाय तिरि लुमंसे वल ॥ गनां० ॥

नक्वाव्यासि दना वया रानी पौवा थेन,
रानीपौवां दना वया न्यागः मानि थेन ।

न्यागः मानि दना वया पशुपति थेन,
नील कण्ठ महादेव दरसन याय ॥ गनां० ॥

पशुपति लिहां वया थव छेँस थेन,
थः गु छेँस थ्यंगु ब्रैले माम बुवां न्वात ।

दाजु किजा सकसिनं हिला जित यात,
थः गु छेँस चोने छाथ जोगिजुया वने ॥ गनां० ॥

जोगियागु भेस कासे हिला माला स्वय,
राज्ये हिलामाला सोयां छति ग्यह मद्दु ।

किनिदँत तप व्रत जिन यांना चोने,
किनिदँत तप यासाँ थवति ग्यह दै मसु ॥ गनां० ॥

घन्दा काय मते रानी सुर्ता काय मते,
शुलि मछि कुमारी केती चाकर नोकर विय ।

हीरा मोति जुहार पन्ना तिसा वस विय,
बुरे रानी छ व जि व त्रिपासा छकोभिहते ।

थवसुं ग्हाय मते राजा जिगु बिनित न्यव,
चतुर्मास थवसुं चोना व्रत सिधय के मानि ।

चतुर्मास थवसंवात छंत छु छु माल,

ब्यल साख चाकु दुरु सकतान माल ।

प्रजागण सकलयात भोजन याके माल,
स्वराजया जोगी दक्क सामेल पायमाल ।

जोगी प्रजा दक्को थेन जि प्रभु छम्ह मभानि,
स्नान यानाबेले जिमि प्रभु ध्यंक भाल ।

घन्दा काय मते प्रभु सुर्ता कायेमते,
मातानीया भेस कया छले याना वय ।

हायहाय कुमारी केती चरबिस पिया चान वने,
चरबिस भाय मते रानी भारी कोपरा दिके ।

यधि जागु कोठास गथे पिया चोने,
चरबिस वने भका कोठा पिहाँ वल ।

एकान्तन छखे बना वस्त्र दक्क तोल,
विभूतिन म्हस बुसे गेरु वस्त्र पुन ।

मातानीया भेस कासे छले याना वन,
जि वय धुन प्रभु स्वामी घन्दा काय मते ।

निह नाप वने मज्यू छि नि न्हापा भासै,
बिचं हिला छित जिन नाप लाक वय ।

घन्य भाग्य जिगु कर्म स्वामी नाप लात,
यन चोने सखु प्रभु यव छेस वने ।

हे नारायणजु

हे नारायणजु, गुँयासिस रसन बिज्याक ॥ धु० ॥
 निहनिहलिया स्वता उन, अतिन सुन्दर ख्वाल,
 जवन चकर जोसे, रववन शंख पुसे ॥ १ ॥
 शिलस नागया मणि, न्हसस नागया पाश,
 गलस कोखासे तया, तुलसीया माल प्रभुजु ॥ २ ॥
 न्हाकम्हया त्रिनतिस, दया तय माल प्रभुजु,
 दना वया दरशन, विव जित नारायणजु ॥ ३ ॥
 नेपालया छत्रपति, श्री जय भास्कर मन्ल,
 चउखण्ड राज्यलाय, फयकाव्यु नारायणजु ॥ ४ ॥

—राग धनाश्री

याकचा वनमत्ये राधा

याकचा वनमत्ये राधा जमुना सिथे ।
 जमुना सिथे राधा जमुना सिथे ॥
 मात्ते जूम्ह हाकुचाँ, कयूका हययो वाकुचाँ ।
 चाः ठम्प यनेमत्ये राधा जमुना सिथे ॥ १ ॥
 लँय वोपिं मुसुमुसु न्हीका, ख्याः या वैगु म्हे म्हे श्रीक ।
 वैत मचा खनेमते राधा जमुना सिथे ॥ २ ॥
 स्वय मचा ख्वाल पुया, खँ गुलि स्याचू वया ।
 लिसः चिया च्वन्येमत्ये राधा जमुना सिथे ॥ ३ ॥

—भजन

गुलित फसात

गुलित फसात विय तेना कृष्ण
 दरशन विव जित करुणा तयाव ॥ धु
 चैत्रस अजूस्वां होया चोन बनस
 वैशाख चुवास्वान. गुलाफ वचुस्वां,
 जासे बल सिमाया वसन्तया यौवन
 गथे सहयाय प्रभुछि विनान रे ॥ १ ॥
 ज्येष्ठस चमेली, चस्वान, जिलस्वां
 आषाढ सिन्हाज्या होयाच्वन चंपास्वां,
 ग्रीष्मया तापन सहलपे मफया
 याना विव प्रभु छिन शीतल ननान रे ॥ २ ॥
 श्रावन मास सुकुन्दर राज,
 भाद्रव पलेस्वान, उफोल, चवोस्वां
 वर्षाया ऋतुस न्हावस समुद्र
 मिखास खवि हाल छिगु विरहन रे ॥ ३ ॥
 आश्वीन तुलसी, लवजिफो स्वान,
 कार्तिक गमानथकु, गोदावरी स्वान,
 शरद ऋतुस चन्द्रमाया तेजन,
 उइनि थें नेन प्रभु छिगु विरहन रे ॥ ४ ॥
 मंसिर केवल होया चोन द्वाफोलस्वां,
 पौष स बखुमदु, सिन्हास, मघस्वां,

हैमन्त ऋतुस चिकु सहायाये मफु,
 सहयाना चोना प्रभु छिगु आशान रे ॥ ५ ॥
 आघस मीकूस्वाँ फागुण तकूस्वाँ,
 शिशिरया मिमाहल फसं हायेका विल रे,
 रंग म्हिते मन छिके जुल प्रभु,
 पूरण याना विउ जि मनया आशा रे ॥ ६ ॥

—बाण्डमासे

गोपाल धनी

गोपाल धनी पनेमते थनि
 सिन्हाज्या वने न्हौं ॥ ध्रु० ॥
 बात जि ग्वालिनी लसिकल मसियानि
 छि चित्त बुझे जिन याय मफुनि ॥
 जोनेरे मते धनी बिनति याय थनि
 छको जक तोलताव छवो न्हौं ॥ १ ॥
 स्वान जा मखू तिनि स्यनके मते थनि
 लिपतस होयु आशा दवनि ॥
 लख मदु पुखुलिस पलेस्वान मुखू तिनि
 कचिकन थोय धका ग्याना न्हौं ॥ २ ॥
 यौवन कचिनि अमर हाला जुल
 उमेर जिके गाक महुनि ॥
 यौवन जा दयुंतिनि सेनके मते धनी

लिपतसं छि व रस पाय न्हों ॥ ३ ॥
 ह्याउँक पतासि हाकु गहया लन
 सपलसं छुना तल धाले पतिस्वों ॥
 मिखावान पलेहल न्हाति कासं हेगु सिन्हः
 म्हुतुसिस ग्वालतिन जिकनि ॥ ४ ॥
 बागमती विष्णुमती भैरव भगवती
 पशुपति गणेश कुमार न्हों ॥
 नेपालया छत्रपति श्री रण बहादुर
 प्रजायात प्रतिपाल थाक न्हों ॥ ५ ॥

—रागसिन्हाष्या

सुन्दर विभुति बुसा
 सुन्दर विभुति बुसा गौरी खमखे तसा,
 सदान वसया गय थुसा ॥
 नन्दी मिन्दी निम्ह पासा त्रिसल डमरु ज्वसा
 सिरस मुटुक लुया पुसा ॥ १ ॥
 यस गजि धतुर नसा जतान सपोल हिसा
 छालया जमित जस तिसा ॥
 धुँया छेगुलि लासा बालक चन्द्रया छुसा
 थास थास भिड बिया तिसा ॥ २ ॥
 बोसत भिगुलि दिशा जगतया बढ पुसा
 तरहन मेव महु थासा ॥

मगत जनया आशा फुतकु अनेक दशा,
 त्रिपुर असुर जुल स्यासा ॥ ३ ॥
 भाव मगतिन यासा संसारया नाम कासा
 मोलमाल गलस को खासा ॥
 ल्हाकम्हया मन तसा व विनान मदु तसा
 पुरे याव जि मनया आशा ॥ ४ ॥

—राग श्री तालचल्ती

प्राचीन अल्सी

प्राचीन अल्सी आयात मजील भीसन धन मूने माल ॥ धु० ॥
 सक सीन हल नुतन चाल भीजक लिपा च्वने मेल ।
 नवीन माल थन हया बील धन भीगु विदेशनं काल ॥ १ ॥
 ज्या याये मोल सुख धका धाल कङ्गालनं भित चिनाहल ।
 मयानक भूल खनेदया बल आयात होस याये माल ॥ २ ॥
 उन्नति शील विदेशया जाल चः फुना वां छोये माल ।
 अलसि चाल निश्चय मजिल ज्यायाना भिसं हयेमाल ॥ ३ ॥
 आयागु कालं सकसितं धाल विदध्या बोना सुखसिय माल ।
 ज्ञान विज्ञान छुं भी मसल सकसीनं हेलो याना हल ॥ ४ ॥
 धन्ना जूल मन जिगु खोल धीरज गथे याये माल ।
 अष्ट वेद गगन विशाल चोया जिनं मन यागु हाल ॥ ५ ॥

—ज्ञानमाला

छि भाइ परदेश

छि भाइ परदेश गोलत जि पियु रे प्राण ।
 मिसा जाति, याक तनं गोलत जिचवने रतन ॥ १ ॥
 छिगु ख्वाल मखनीव मेवयाके मन वनी ।
 मेवयाके मन वनेव पापस जि दुनी रे स्वामी ॥ २ ॥
 छिगुख्वाल मखेतले नया थें मच्चं रे प्राण ।
 मिखायागु भलक खनेव मन जि मच्चन रे प्राण ॥ ३ ॥
 चानं न्हिनं नाम कासे भजलपा जुया रे जिनं ।
 मिसा जाति खयकाव धर्म लाइ मखु रे स्वामी ॥ ४ ॥
 धन स्वया वया मखु रूप स्वया वया मखु ।
 भिगयागु माया पिरति स्वामी धकारे प्राण ॥ ५ ॥
 मन वने मन चवने वने यास मदु स्वामी ।
 सुया ख्वाल स्वया जिनं चित्त तया चवने प्राण ॥ ६ ॥
 चानं न्हिनं छिगु धन्दा शरीर जि गना वन ।
 बियमते थुगुलि दुःख करजोर विनति स्वामी ॥ ७ ॥
 तन मन धन दको छित जिनं बिय धुन ।
 मेव मदु छि समान विनति खें न्यनादिसँ ॥ ८ ॥
 मलु मने मथे जिनं छिगु रूप जडमन ।
 ममालपा छिन जिव वाय माली धका रे स्वामी ॥ ९ ॥
 अज्ञानी धव विनति जिगु दया तय माल रे स्वामी ।
 मिसा जाति खनाव कहणा दय माल रे स्वामी ॥ १० ॥

कोथाजोलं सकतां दत

कोथाजोलं सकतां दत देनिम्ह महुनि योज्यान् ॥ धु ॥

लुसि धेना अल तथा कलि न्हयाना नकल कया
सुसमुस न्हिला जित केनिम्ह महुनि योज्यान् ॥ १ ॥

फारसिया पारसि सिना रेसमिया दोजा डेया
न्याकु कया न्यासि वना केनिम्ह महुनि योज्यान् ॥ २ ॥

चिक तिला समा याना स कुलि कुलि कया
हलबिया न्हायुके स्वया चनिम्ह महुनि योज्यान् ॥ ३ ॥

मस्वया ध्ये स्वया स्वया सुसुहन न्हिला न्हिला
केलेहन मिखा कना सोइम्ह महुनि योज्यान् ॥ ४ ॥

मिसरिया थें बोलि वचन तथा पहायाना खन्हाना
दिल जिगु बुझय याना तईम्ह महुनि योज्यान्

मन जिगु बुझय याना तईम्ह महुनि योज्यान् ॥ ५ ॥

—राग पंजाबी काफी

च्यान्हु च्यान्हु

च्यान्हु च्यान्हु सिवा याना भीमसेन देवयाके

अमंगल वरदान मिल न्हों ॥ धु ॥

जि वया ला लछि महुनि छि काय सें भाय धाल

थुगु छवार लिंगनाव दिसं न्हों ॥

जि काय पुता जा लिंगने मसु भलिचा

जि कायया लजगाल महु न्हों ॥ १ ॥

अयले माजु हाय छि कायया लजगाल महुसा

जिगु सिबे लव न्हाना बिय न्हॉ ॥

अयले भलिचा मयजु जि काय लिगने मज्यू
संदेशया चरिद्रनि स्वय न्हॉ ॥ २ ॥

अयले माजु हाय छ वारनि लिगना दिस
भिन जा जुयिजिन मखना न्हॉ ॥

अयले भलिचा छाव धन्दा छन काय मते
दखि निदं जक चोना वयि न्हॉ ॥ ३ ॥

आव जिन छुयाय माजु, मेगुछु बिनति याय
छिन सोया यानाय दिस न्हॉ ॥

अयले प्रभु स्वामि सँझाय धाय मते
छवारनि लिपिनाव दिस न्हॉ ॥ ४ ॥

अयले तिरि हाय ता काल चोने मखु
दखि निदं जक चोना वय न्हॉ

अयले प्रभु स्वामी सँझता झाय मते
मिनि जा जुयि जिन मखना न्हॉ ॥ ५ ॥

अयले तिरि हाय लिगने धाय मते
सँ देशया चलिद्रनि सोय न्हॉ ॥

अयले प्रभु स्वामी आव जिन छु धाय
छिन सोया यानाय दिस न्हॉ ॥ ६ ॥

अयले तिरि हाय हतास चायमते
दक्क फक्क दयकाव वय न्हॉ ।

जवन सगन फसे खवन खोवि हुसे

जि प्रभु खोसे खोसे भाल न्हों ॥ ७ ॥

अयले प्रभु स्वामी धन्दा छिन कायमते

लेस सोया बुलु हुन भासं न्हों ॥

चोतया भयालन कव सोया बेलस

जि प्रभु लिमसोसे भाल न्हों ॥ ८ ॥

भावगु पिलाखुला दत लिसल मदुनि

जि प्रभु गथय गथय जुल न्हों ॥

स्वतया भयालस मत विसे सोया जिन

मत जा बुलुसे वन न्हों ॥ ९ ॥

अयले माजु हाय सुथ न्हापां कवसि वना

कवखन लाय बुया वन न्हों ॥

अयले मलिचा मयजु धन्दा छन काय मते

कवखया खँ सहि महु न्हों ॥ १० ॥

अयले माजु हाय लख काल वना बेले

छि काय मन्त बका धाल न्हों ॥

सुनान धाल मलिचा गुहसिन धाल मलिचा

छि कायया हित पासों धाल न्हों ॥ ११ ॥

छुचिन्ह हल मलिचा गुगु चिन्ह हल मलिचा

छि कायया हीरा अंगू हल न्हों ॥

अयले भलिचा मयजु छ हथि जुयमते
आम खँ रवव मखु जुयु न्हों ॥ १२ ॥

अयले माजु हाय मखुगु ध्व खँ मखु
छि कायया संसर्ग वने न्हों ।

कायन वात भलिचा छन वाय धाय मते
जि पापी मन बना सिय न्हों ॥ १३ ॥

अयले माजु हाय ग्वच सिन्ह जोरे याव
छि कायया शरणस वने न्हों ॥

स्वचू खन छेस च्वना स्वह माचा च्वना थास
थनि जि याकतन जुल न्हों ॥ १४ ॥

जला खला निनिमाजु खोयके मते
सकसिनं धिरज धिया तिव न्हों ॥

आव छु याय भलिचा छ गथे हथि जुल
माजु याकतन तोलते मते न्हों ॥ १५ ॥

पालु वजि दयकाव धलि सहितन
जिमामं व्याहा हइ स्वव न्हों ॥

लायकूया प्रधान बल, थव थिति जंमा जुल
सकसिनं वनेमते धाल न्हों ॥ १६ ॥

मिसाया धरम जुल स्वामियाके मत्कि याय
जि स्वामिया शरणस वने न्हों ॥

गनां गने मफयाव सकसिनं विदाविल
अत्यन्त खुसि जुया वन न्हों ॥ १७ ॥

छजु वस व्हासे वासे छजु वस जोगी बिसे
छजु वस त्वायभत चिन न्हों
हाकु गहया लन फिसे दोरिया गान ने से
मनि छितया पतासि सिना वन न्हों ॥ १८ ॥

अनं निसें यनाव देशस चाउयका
दिपस थनेकल यन न्हों

अयले गुवात आवाजु जित छुँ दुःख मजुइकाव
जिगु प्राण याकन छोव न्हों ॥ १९ ॥

अयले भलिचा मयजु धन्दा छुन काय मते
याकन प्राण छोया बिय न्हों ॥

सिपेंस चोनाव त्वायभत चिनाव-गौरिशिवपूजाथाना चवकन न्हों २०

—राग सिन्हाज्वा

हे मन राजा

हे मन राजा साहा शरीरया धनि जुया चोन ॥ धु ॥
किम्ह मचा दसे चोन खुँ व समान,
आशा निराशा निम्ह रानी जुया चोन ।
मचा मिसाया ख्वाल स्वया अहंकार थायमते,
राज्य नाश जुई ॥ १ ॥

गुंगू लुखा दसे चोन शत्रुया लॅपु जुया,
 सुबुद्धि कुबुद्धि निम्ह मंत्री जुया चोन,
 कुबुद्धिया खँ न्यना अहंकार पायमते ।
 अनित्य शरीर ॥ २ ॥

हाम्ह काजि बल कया थिति नीति याना चोन,
 चन्द्र सूर्य निम्ह साछि जुया चोन ।
 यने मदु मेव ॥ ३ ॥

चा व निह व निम्ह दूत जन्मराजा तोता तल,
 अहंकार राजानाप ब्वाय मन याना ।
 लुखा दको वंद याना सहरस ब्दवाहाँ वया ॥ ४ ॥

राज्य नाश थाई
 मचा मिसा काजि मंत्री थव थास बिसे वनि,
 थमं यानागु ज्याया फल पावे जुइ,
 बैरीया राज्य जुइ चिना कुना तइ ।
 फेनिव सुनान ! ॥ ५ ॥

ब्हकम्हया भावन थव मन राजा नाप
 भिन मभिन निगु नाप नाप वइ,
 सुबुद्धिया खँ न्यना भिन ज्याखँ थाव ।
 यने मदु मेव ॥ ६ ॥

लोकनाथ विवजित

लोकनाथ विव जित ज्ञान वरदान ॥ ध्रु ॥
 अतिन सुन्दर ख्वाल अरूण समान,
 सुरज ध्ये थिकलुया चिथया समान ॥ १ ॥
 होसे चोन पले स्वान हल मिखा बान,
 अमिताभ तथागत सिरस तथाव ॥ २ ॥
 अनेक रतन मानिक तिसान तियाव,
 तँ तँ हयाउँ वाउँ स्वान सिरस तथाव ॥ ३ ॥
 छिपालि निषाया कोस वेदन याडाव,
 स्वरगया अधिपति लाल छि सेवान ॥ ४ ॥
 पुन्यलछिमिया स्वामि राज्य प्रकाश ।
 यात बल विव थव मच्चा भाल पाव ॥ ५ ॥

—राग केदारा

दो मन याये मते

दो मन याये मते सखी छन ॥ ध्रु ॥
 मेव यागु करमन थगु कर्म जुई मखु ।
 भिगयागु फल जकोदई । करमन लात थास-
 सुख दुःख हना चोव । लिपा धर्म माग्येमानी जुई
 सुखधका न्हिलेमते दुःख धका खोये मते ।
 सुख दुःख नाप नाप बई । भिमयाके बना धका-
 भिगु भाग्य जुई मखु । पर बास नरक बास लाई ॥



लोटा धया जोना बना धपन जुये मरू । लोटाहाना करम
 सीयेकी । मेवथागु खँ न्यना भिगुमन याये मते । मेवनजा सुख
 विई मखु । उखे थुखे हिला जुया थव भाग्य हिलि मखु ।
 लुखा जक्को हिलि दर्ई बुना माम धका मनु जन्मजको विई ।
 करमजा विई मखु । मेवयागु भाग्यस्वय अभाग्येनी धाये माली
 छनेगु दर्ईला मखु । मिग यागु पापनं थऊँ थुलि दुःख जुल ।
 थाव खुनु चेते याना काव । लज्या शर्मन जुइमाल मनुषेया
 जन्मस । पशुयात लज्या शरम् छाये । छगुमन पशु फुई निगु-
 मन नरं फुई । निगुमन याये मते शत्रूया खँ न्यना पर आशाः
 याये मते । दोगन याये मते । थव थवन भिन यात सा
 दकोसेन हाय धायु । पापी मन नरकस लाइ । थवमन चिय
 मफुसा लोकनरवं न्हायी । लीपतस पछु ताये जुई । संसारया
 खँ जिन गुलि तनी न्हाये । थव इन्द्रिय चियेगु सोव । लीपा
 दर्ई मखु नरजन्म थाव भिन मती छन । सेव मदु हरीव
 समान ।

—राग विहाग

॥ इति ॥